

Heinrich Rahn

**Rector Universitatis Rostochiensis, Henricus Rhane, I.U.D. & Profess. P. Ad Exequias Quas ... Catharinae Korffes/ Coniugi suavissimae Moestißimus maritus hodie parat, Cives suos ... vocat**

Rostochi[j]: Kilius, 1638

<http://purl.uni-rostock.de/rosdok/ppn771915330>

Druck Freier  Zugang



Rhane, H.

in

**C. Korff.**

Rostock, 1638.
















RECTOR  
Universitatis Rostochiensis,  
HENRICVS RHANE,  
J. U. D. & Profefs. P.

AD EXEQVIAS

Quas

*Fœmina pud. ciffima*

CATHARINÆ

Rorffes/

Conjugi suaviffimæ

*Mœriffimus maritus hodie parat,*

Cives suos in ædem D. Jacobi ad ho-  
ram mediatam primam serio & di-  
ligenter vocat,



ROSTOCH!,

Literis NICOLAI KILIL Academ. Typograph.

ANNO M DC XXXVIII.





NON satis erat, Academiae  
Cives, ut Parentem in lu-  
ctu haberet, ut amitteret  
Socerum; domi quoque fu-  
nestus esse debebat Præstantissimus  
atque Eximius Vir Dn. M. JOACHIMUS  
DASENIUS, Universitatis nostræ &  
Reverendi Concilii Secretarius fide-  
lissimus. Ut ut enim consanguineorū  
clades probissimum quemque non  
mediocriter afficiant, & sicuti bono-  
rum, ita etiam deterioris fortunæ he-  
redes nos ac participes esse conve-  
niat; nescio tamen, quomodo cetera  
quidem omnia conjugum intuitu  
non nihil aliena, & quicquid illos af-  
fligat, id familiare demum ac dome-  
sticū à nobis habeatur. Tanquam ejus  
rei causas ignorare vix possumus, cū  
insita omnium naturæ vis ad sui amorē  
unum-



numquamque stimulet, nec prius ab  
conservatione ejus, quod quisq; est,  
dimittat, nisi ipsa simul divortium fa-  
ciendo, ultimū finē attulerit. Et qui-  
dem si quis nostram conjugum repu-  
tet conditionem, quomodo ad gloriā  
Creatoris facti, propter eandem ma-  
ritati sumus, illi tum obscurum esse  
non potest, quod nostrū sit nemo  
totus, nisi alterā simul parte censea-  
tur, quæ ex matrimonii lege ac man-  
dato sibi debetur. Mas enim & foemi-  
na sic homo facti sunt, ut absq; iis ne-  
mo mortalium homo futurus esset.  
Isto præcipue argumento, ut, quicun-  
que deinceps societatem illam coi-  
rent, par quoddam indivisum, eaque  
unitate censerentur, quæ solius divi-  
ni esset arbitrii, nullaq; humana po-  
testate teneretur. Tanto arctiori vin-  
culo,



culo, quia natura simul respondeat,  
& in commune duorum consortium  
animos corporaq; conglutinet. Ut  
quemadmodum duorum una caro  
est, ita in una carne unus duorum  
animus, idem utriusq; nolle ac velle,  
idem agere ac pati fit. Quæ quidem  
admirabilis propensio, digito im-  
pressa Creatoris, id, quod supra dixi-  
mus, omnino efficiat, ut neutra pars  
se absolutam existimet, utraq; in al-  
teram promineat, veluti ad corporis  
constitutionē principia intime con-  
veniunt, maximoq; naturæ arcano u-  
num sunt. Inde ergo amor duorum  
inter se, & eo ipso quod mutuus est,  
intra complexionē maximus & de-  
mum perfectus. Dum alteri quæq;  
pars, quod sui boni est, impertit, &  
absq; illa communicatione, nec bo-  
num



num senec quicquam possidere intelligit. Ipsa  
unione indigentiam utriusq; mutuam & sum-  
mam consensionem, & communia inter se o-  
mnia perficiante. Quid ergo mirum sit, quod  
cetera omnia, etiam quæ ortum nobis dedere, &  
extra nos & quodammodo aliena sint; cum a-  
more unius, & naturali in istam sui partem incli-  
natione, exire jus ac fas sit. mulierem ex Genito-  
ris domo simul & potestate, Viro autem Pater u-  
nâ ac Mater relinquendi sint, ut uxori demum  
sua adhærere possit? Quænam enim liberorum  
ac Parentum inter se commercia sunt, quam-  
pietatis & officiorum? Et quomodo jam non  
divisa utrinque est sollicitudo ac cura, post-  
quam in thalamum concessimus? Amat filiam  
pater ac bene vult; ut beneficiat, à Genero exi-  
git, etiam mercede conducit, & viro sibi successo-  
rem dat, tutorem præstituit, potestati eximit;  
marito totam locat donatq;. Filius contra sic  
amando petgit, ut, quos è præcepto nunquam  
non honorare potest ac colere, eos à mundi ori-  
gine, ac primo omnium instituto, carni suæ post-  
ponat. Qua ut nihil in posterum sibi propius  
esset atque interius, corporis eum separare com-  
mercium primo, post assuefacere uni velut sibi,  
totumque in ejus amorem convertere debebat.

Hoc



Hoc ergo est, Academiae Cives, quod cetera quidem tam alte in animum non demisit Vidui nostri moestissimi, quaecumque ei ab Soceri, quocum conjunctissime vixit, repentino obitu, quaecumq; etiam ab genuino parente, quem impense amat, in posterum accidere posse videantur; postquam unicum istud rerum omnium, quas mortales tenet atque possidet, omni pretio majus, alteram sui partem, se veluti dimidium amisit, in charissima quondam uxore, CATHARINA. Quae cum modico tempore, sex duntaxat per annos, tam multis sibi cognita perspectaque vicibus, recenti simul & ob id tenerissimo amore haberetur, debuit omnino tantum vulnus infligere, quod obligari haecenus non potuerit. Desiderio ac contemplatione omnem geminante aegritudinem atq; animi angustias. Quippe qui nihil in ea repererit, quod non eximio ac singulari olim amore, nunc quia tam praepropere abreptum sibi excussumq; est, majori luctu dignum sit. Nata enim iis parentibus, quos diligere quisquis ac colere debebat, iis autem praedita virtutibus, quae precium non invenirent, quia excederent; consummaram felicitatem afferre cum dote sua omnino videri poterat. Quid fuit Reverendo & Doctissimo, Dn. M. JOHANNES CORFINIO, quem



quem nuper extulimus, venerandi Ministerii Se-  
niore & Ecclesiae ad D. Jacobi & S. Crucis, aut  
fidelius aut ex morum honestate & candore pro-  
batus? Quid ELISABETHA, Magni illius Theo-  
logi, Professoris ac Superintendentis quondam,  
apud nos, Dn. D. SIMONIS PAULLI filia, in  
sexu suo laudatus? Atqui iis parentibus prid.  
Cal. Febr. ante annos XXIV, nata, Christoq; in-  
serta, non poterat moribus atque animo alia esse  
filia, quam & nascendo acceperat, & obfirmave-  
rat accrescendo. Quapropter nec aliam sibi le-  
gendam ratus noster DASENIUS, experiundo  
didicit, quam bene vota cesserint, postquam tan-  
tam animi consensionem, obsequium & integri-  
tatem offendisset. Tanto sollicitior, si quando  
male haberet, & in omnes partes anxius, um nup-  
per ex ascite decumbere inciperet; quo minus  
sibi, quod tandem necesse fuit, istam pretiosissi-  
mae rei jacturam faciendam esse intelligebat. In-  
primis ab eo tempore, ex quo mater facta, obli-  
des amoris caelo terraque jam marito dederat,  
GEORGIUM-ALBERTUM superiorum fidei an-  
te triennium commissum, ELISABETHAM pri-  
mogenitam, sibi superstitem, Parenti in solatiū  
& pignus relictam. Ipsa haec funestissima tem-  
pora, si unquam aliās, nunc communium peri-  
culorum



eulorum sociam ac levamen requirebant, ut geminatus ille animorum vigor adversus mortalitatem securius utrinq; , maritum inprimis, & familiae suae caput, tueretur. Sed pervicit morbi vis tenerumq; corpus, ipsa foecunditate grave sibi ac molestum , cum ceteris viribus sic prostravit, ut diuturnitate quoq; auxerit, & post XX, ægrotationis septimanas, die XII. Septembr. summa nocte, finē, inter CHRISTI simul & mariti brachia placidissime afferret. Hæc sunt Academiae Cives, quæ vos cum primis adhortari possunt, ut solatium viduo ex vobis afferre , ultimumq; uxoris honorem augendo frequentandoq; demereri vos cupiatis. Quod quidē ego à vobis simul spero, & postulo. Ipsi B. V. P. P. XIV. Sept. A. Chr. M DC XXXIIX.






















num senec quicquam possidere in  
unione indigentiam utriusq; mut  
tam consensionem, & commun  
mnia perficiente. Quid ergo miru  
cetera omnia, etiam quæ ortum nol  
extra nos & quodammodo aliena  
more unius, & naturali in istam sui p  
natione, exire jus ac fas sit muliere  
ris domo simul & potestate, Viro a  
nà ac Mater relinquendi sinr, ut ux  
sua adhærere possit? Quænam eni  
ac Parentum inter se commercia s  
pietatis & officiorum? Et quomo  
divisa utrinque est sollicitudo ac  
quam in thalamum concessimus?  
pater ac bene vult; ut benefaciat, à  
git, etiam mercede conducit, & viro  
rem dat, tutorem præstituit, pote  
marito totam locat donatq;. Fili  
amando petgit, ut, quos è præcepto  
non honorare potest ac colere, eos à  
gine, ac primo omnium instituto, ca  
ponat. Qua ut nihil in posterum  
esset atque interius, corporis eum se  
mercium primo, post assuefacere ut  
totumque in ejus amorem convert

